



O local associativo *Rompe el Círculo* de Móstoles foi o lugar que albergou no sábado 18 de Abril a jornada internacionalista que tivo a Galiza como protagonista. Organizada polo Comité de apoio ao Organismo Popular Anti-repressivo CEIVAR constituído em Madrid, o evento contou com a participación dum membro de CEIVAR que apresentou o livro escrito ex-presas/os independentistas *“O teito é de pedra”* e desenvolveu umha palestra sobre os procesos repressivos na Galiza. Aliás, a jornada contou com a projeção dum vídeo elaborado polo Comité de Apoio sobre as luitas populares na Galiza, umha degustação de produtos gastronómicos galegos e umha escolma de músicas do País.

Por volta dum cento de pessoas participaram das diferentes actividades programadas, mostrando grande interesse por conhecer os diversos aspectos da situação sócio-política e cultural galega.

Desde o Organismo Popular Anti-repressivo CEIVAR queremos parabenizar e agradecer o enorme trabalho desenvolvido polas compañeiras do Comité de Apoio, asemade mostrar a nossa gratitude e satisfacción pola boa acolhida que tivo a jornada e o carinho e arroupamento do que fomos objeto por parte das gentes dos movimentos sociais de Móstoles. Por outra parte, e como transmitimos no próprio dia, solidarizar-nos com todas as pessoas que están a ser repressaliadas em Madrid pola sua militância política e social.